

Исломда молни зое қилиш ҳаромдир

Image not found or type unknown



09:02 / 14.09.2024 1629

نَع ، هُنَّ عُلَّالُ اِيضًا رِبَّاجٌ نَع
هِيَ لَعُ هُلَّالُ اِيضًا رِبَّاجٌ
مُكْدَحًا نَّفَكَ اِذَا اِقَامَ سَو
هَاور. هُنَّ فَكَ نَسَخُ يَلَفُ هَاخًا

سَيْرَاخُ بُلَا اَلْاِءَسْمَخُ لَا

Жобир розияллоҳу анҳудан ривоят қилинади:

«Набий соллаллоҳу алайҳи васаллам:

«Бирортангиз ўз биродарини кафанласа, унинг кафанини яхшиласин», дедилар».

Бешовларидан фақат Бухорий ривоят қилмаган.

Шарҳ: Кафан оддий оқ сурпдан ёки шунга ўхшаш матодан бўлиши зарурлигини биламиз. Ушбу ривоятдаги «яхшилаш»дан кафанни бекаму кўст, тўлиқ, тоза ва пухта қилиш тушунилади. Албатта, кафанни қимматбаҳо матолардан қилиш, уни зийнатлаш мумкин эмаслигини ҳамма яхши билади.

هُلَلَا يَضَرُّ سَابَعِ نُبَا نَع
هُلَلَا يَلَصُّ يَبْنَلَا نَع ، هُنَع
اُسَبَلَا : لَأَقَمَّ لَسَوِ هِيَلَع
ضَايَبَلَا مُكَبَايَا ثَنَم
مُكَبَايَا ثَرِيخُ نَمَاهِنَا ف
هَأَوْرُ : مُكَاتُومَ آهِيَا فَاوْنَفَاكَو
يَبَالَو . هَأَبِحَاصَو وَيِذِمَّرْتَلَا

بِنَفْكَ لِي فِي أَوْلَاعَتِ آلِ دُوَادِ أَبْلِ سُهُبَلِ سِي هُنَّ إِفِ أَعْيَ رَس.

Ибн Аббос розияллоху анхудан ривоят қилинади:

«Набий соллаллоху алайҳи васаллам:

«Кийимларингиздан оқини кийинг. Чунки у энг яхши кийимингиздир. Ўликларингизни ҳам ўшанда кафанланг», дедилар».

Термизий ва унинг икки соҳиби ривоят қилганлар.

Абу Довуднинг ривоятида:

«Кафанда ортиқчаликка йўл қўйманглар. Чунки у тезда суғуриб олинади», дедилар», дейилган.

Шарҳ: Ушбу ҳадисдан олинадиган фойдалар:

1. Муслмонлар учун оқ рангли кийим афзал эканлиги.
2. Муслмонларнинг кафани ҳам оқ рангли бўлиши.
3. Кафанга ортиқча сарф-харажат қилиш дуруст эмаслиги.

Бу баҳоси қиммат мато олишга ёки керагидан ортиқча кўп мато ишлатишга ҳам тегишлидир.

«Чунки у тезда суғуриб олинади», яъни чириб кетади. Бунда мол зое кетади. Исломда молни зое қилиш ҳаромдир.

Оиша онамиздан ривоят қилинишича, ҳазрати Абу Бакр Сиддиқ розияллоху анху ўлим тўшагида ётганларида устиларидаги кийимларига қарабдилар. Унда бир неча сариқ доғлар бор экан. Кейин:

«Мени ушбу кийимни ювиб, яна икки кийим зиёда қилиб, кафанланглар», дедилар. Мен:

«Бу эски-ку?» дедим.

«Янгига тирик одам ҳақлироқ», деди», дейилган.

Ҳа, ўлган кишининг тирикларда ҳаққи, ҳурмати бор, лекин ҳаммаси шариат кўрсатган чегарада бўлиши лозим. Кези келганда яна шу масалага тегишли айтиб қўйиш лозим бўлган бир гап бор.

Маййитнинг дафнига лозим бўлган ҳамма сарф-ҳаражатлар унинг ўз молидан бўлади. Агар ўзининг моли бўлмаса, унинг нафақасини қилиши керак бўлган одамнинг молидан бўлади. У ҳам бўлмаса, байтул молдан бўлади. У ҳам бўлмаганда эса ўзига тўқ мусулмонларнинг маошидан бўлади.

«Ҳадис ва ҳаёт» китоби асосида тайёрланди